

REPUBLIKA E KOSOVËS

KUVENDI I KOMUNËS-VUSHTRRI

PROCESVERBAL  
NGA MBLEDHJA INAUGURUESE E KUVENDIT TË KOMUNËS SË VUSHTRRIË,  
MBAJTUR MË 20 DHJETOR 2017

*Mbledhja është mbajtur në sallën e Kuvendit Komunal, duke filluar në orën 10:20.*

Në këtë mbledhje ishin të pranishëm anëtarët e Kuvendit të Komunës në Vushtrri: Abdullah Vojvoda, Adnan Lahu, Agron Përçuku, Ali Januzi, Arta Ymeri, Bahrije Ademi Murati, Bajram Mulaku, Berat Asllani, Ermal Lahu, Fakete Dushi, Fatmire Saraçi, Fjolla Ujkani, Gentiana Rama, Gresa Muli, Habibe Gërxhaliu, Hysni Gërguri, Ilmi Azemi, Lorik Maxhuni, Lutfi Bilalli, Mehdi Bejtullahu, Mehmet Selaci, Mejreme Ismajli, Melihate Basholli-Latifi, Miljan Bojković, Nasuf Aliu, Nezir Klinaku, Qerim Selimi, Rrezarta Krasniqi, Sadije Bajgora, Safet Idrizi, Sami Istrefi, Shkëlzen Feka, Shpëtim Zhegrova, Teuta Aruçi - Shartari, Ymer Haradinaj.

Të pranishëm në këtë mbledhje ishin edhe Kryetari i komunës, komandanti i Stacionit Policor në Vushtrri, përfaqësuesi i Akademisë Policore në Vushtrri, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile, mysafirë dhe qytetarë.

Mbledhjen e hapi dhe e kryesoi Bajram Mulaku – anëtar i kuvendit, i cili vërtetoi se ka shumicë për punë dhe për marrje të vendimeve të plotfuqishme, andaj procedoi me rendin e ditës.

**Sami Istrefi, anëtar i kuvendit** - propozoi që në rend të ditës të futet edhe fjala përshëndetëse e ish-Kryetarit të Komunës Bajram Mulaku.

*Pas votimit Kuvendi i Komunës së Vushtrrisë në mënyrë “unanime” aprovoi këtë:*

REND DITE

1. Dhënia e betimit të anëtarëve të kuvendit dhe e kryetarit të komunës (pjesa solemne) dhe
2. Zgjedhja e Kryesuesit të Kuvendit të Komunës së Vushtrrisë (pjesa zgjedhore).

1. Dhënia e betimit të anëtarëve të kuvendit dhe e kryetarit të komunës (pjesa solemne)

**Ilmi Azemi, anëtar i kuvendit** - propozoi që anëtar i komisionit për verifikimin e mandateve nga radhët e PDK-së të jetë Qerim Selimi.

**Shklezen Feka, anëtar i kuvendit** - propozoi që anëtar i komisionit për verifikimin e mandateve të anëtarëve të kuvendit nga radhët e LDK-së të jetë Agron Përçuku.

**Sadije Bajgora, anëtare e kuvendit** - propozoi që anëtar i komisionit për verifikimin e mandateve të anëtarëve të kuvendit nga radhët e LB-së të jetë Nezir Klinaku.

*Pas votimit, kuvendi në mënyrë unanime miratoi propozimet për themelimin e komisionit për verifikimin e mandateve të kuvendit në këtë përbërje:*

**Qerim Selimi nga radhët e PDK-së;**  
**Agron Përçuku nga radhët e koalicionit LDK, LVV, AKR, AAK dhe Nisma;**  
**Nezir Klinaku nga radhët e LB-së.**

*Komisioni i sipërcekur bëri verifikimin e mandateve të kuvendit, duke lexuar emrat e secilit anëtar të zgjedhur të kuvendit.*

Në vazhdim të mbledhjes anëtarët e kuvendit dhanë betimin solemn, duke u bërë anëtarë të kuvendit me të drejta të plota.

Gjithashtu betimin solemn para kuvendit e dha edhe kryetari i zgjedhur i Komunës së Vushtrrisë z. Xhafer Tahiri.

**Xhafer Tahir, Kryetar i Komunës së Vushtrrisë** - pasi dha betimin solemn si kryetar i komunës, iu drejtua kuvendit me një fjalim përshëndetës, ku së pari falënderoi qytetarët e Komunës së Vushtrrisë për besimin e dhënë që të udhëheqë komunën. Tutje ai u zotua se së bashku me ekipin e tij do të udhëheqë një komunë të hapur, transparente, që i jep llogari qytetarit, një komunë e cila do t'i shërbejë interesave të qytetarit të Vushtrrisë, një komunë e cila do t'i shërbejë të gjithëve më mirë, më drejt më paanshëm. Pastaj ceku se bashkë me ekipin e tij do t'i realizojnë të gjitha premtimet e dhëna nga ana e tij për transformimin e Qytetit të Vushtrrisë. Në vazhdim ai falënderoi partnerët e koalicionit për ndihmën e dhënë në fitoren e tij në balotazhin zgjedhor, të mbajtur më 19 nëntor 2017. Një falënderim të veçantë ai i bëri strukturave të LDK-së dhe gjithë anëtarësisë së saj për ndihmën e sinqertë dhe të pashoq për ndryshimet pozitive dhe cilësore që kanë ndodhur më 19 nëntor. Në fund ai i ftoi të gjithë anëtarët e kuvendit që të punojnë së bashku për interesat e qytetarit të Vushtrrisë dhe që bashkërisht t'i realizojnë projektet që janë me interes të përgjithshëm për qytetarin dhe Komunën e Vushtrrisë.

**Bajram Mulaku, ish - Kryetar i Komunës së Vushtrrisë** - në fjalimin e tij përshëndetës si ish-kryetar i Komunës së Vushtrrisë, iu drejtua anëtarëve të zgjedhur të kuvendit dhe qytetarëve të Komunës së Vushtrrisë, me një fjalë rasti, duke shprehur se ishte nder, privilegj e mbi të gjitha përgjegjësi që të jetë në krye të komunës për tri mandate radhazi. Tutje shtoi se me tërë qenien e tij, me gjithë kapacitetin intelektual dhe energjinë është munduar që të bëjë më të mirën e mundshme për interesin e qytetarit të Vushtrrisë. Pastaj vlerësoi se në një rrethanë bile në të gjitha rrethanat tjera gjithmonë ka hapësirë që gjërat të bëhen më mirë, porse në rrafshin real puna që është bërë në këto tri mandate ka rezultuar me ndryshime pozitive në përmirësimin e jetës së qytetarit të Komunës së Vushtrrisë. Në vazhdim ai dha një rezymë të shkurtër lidhur me punët dhe projektet që janë realizuar përgjatë viteve që ai ka qeverisur në Komunën e Vushtrrisë, duke cekur se është aprovuar Plani Zhvillimor i Komunës së Vushtrrisë, mandej është bërë rritja e buxhetit të komunës, ku në saje të kësaj janë realizuar 1855 projekte me vlerë financiare prej 110,833.252 €, nga kjo shumë komuna ka participuar me më shumë se 40 milionë euro, komuniteti ka kontribuar me më tepër se 1 milion euro, Qeveria e Kosovës me 47,821.958 €, kurse donatorët kanë kontribuar me shumën financiare prej 21,4331.00 €. Në vitin 2017 janë realizuar 193 projekte me vlerë financiare prej 14,116.000 €, ku nga këto komuna ka participuar me 4,331.000, ndërkaq Qeveria e Kosovës 8,400,15000.00 €, dhe donatorët 1,369.000 €. Mandej ai njoftoi se në dorëzim-pranimin e detyrës tek kryetari i zgjedhur i komunës, atij i ka dorëzuar listën e projekteve të përfunduara, atyre që janë në zhvillim, si dhe atyre që janë planifikuar për të ardhmen. Në vazhdim shpallosi projekte të cilat

janë planifikuar e të cilat duhet të realizohen në të ardhmen, dhe atë në Drejtorinë e Shërbimeve Publike: implementimi i Planit për menaxhim të mbeturinave; grumbullimi i të hyrave vetanake nga komuna, nga familjet, bizneset, institucionet nga data 1 janar 2017; zgjedhja e problemit të Ndërmarrjes sociale për grumbullim, sortim dhe paketim të plastikës dhe metaleve të lehta në Bukosh (nëpërmes Ligjit për Ndërmarrjet Sociale ose Ankandit); kyçja e sistemit të ujit të pijes nëpër familje, në bashkëpunim me Kompaninë Regjionale “Mitrovica” dhe rregullimi i varrezave të veteranëve të UÇK-së në vlerë 15,000 €. Në Drejtorinë për Bujqësi, Pylltari dhe Zhvillim Rural: jetësimi i projektit të Parkut të Biznesit në Lumadh (ekziston projekti detaj); jetësimi i projektit për Zonën Industriale në Banjaskë, Sumë dhe Smrekonicë (ekziston kërkesa për kthim të tokës për pronësi e Ministrisë së Drejtësisë tek komuna – në Ministrinë e Drejtësisë) dhe vazhdimi i projekteve për sistemin e ujitjes. Në Drejtorinë Kadastër dhe Pronë: vazhdimi i projektit për futjen e të dhënave të komasacionit në sistem. Në Drejtorinë për Planifikim Urban dhe Mjedis: realizimi i projekteve planifikuese 2018–2020, realizimi i projekteve nga Ministria e Infrastrukturës, magjistrallja Nedakoc - Vushtrri – Smrekonicë, rruga R- 220 Gllavatin – Bukosh, rruga Vushtrri – Pestovë – Nedakoc, Hartimi i Hartës Zonale. Në Drejtorinë për Shëndetësi dhe Përkujdesje Sociale: kthimi i punëtorëve të QKMF –së nga emergjenca e spitalit në urgjencë të QKMF-së nga data 1 janar 2018 dhe funksionalizimi i Qendrës për fëmijë me nevoja të veçanta në Nedakoc. Pastaj në Drejtorinë për Kulturë, Rini dhe Sport: vazhdimi i procedurës së tenderimit për Qendrën e Kulturës; funksionalizimi i muzeut të komunës; funksionalizimi i qendrës rinore; funksionalizimi i Kullës së Azem Bejtës dhe ndërtimi i lapidarit për dëshmorët e UÇK-së të ZOSH, në vlerë 30,000 €. Në Drejtorinë e Arsimit: zhvillimi i projekteve të planifikuara, lidhja e teorisë me praktikë, si dhe ngritja e cilësisë në mësim. Në fund të diskutimit të tij ai falënderoi të gjitha strukturat komunale për bashkëpunimin që kanë pasur gjatë gjithë këtyre viteve dhe i uroi sukses kryetarit të zgjedhur z. Xhafer Tahiri.

2. Zgjedhja e Kryesuesit të Kuvendit të Komunës së Vushtrrisë (pjesa zgjedhore).

*Pas konsultimeve me grupet politike të përfaqësuara në kuvend, kryesuesi i mbledhjes së kuvendit konform Rregullores të punës së kuvendit, vendosi që kuvendi t’i zhvillojë punimet pa prezencën e publikut, për shkak të numrit të madh të qytetarëve dhe vështirësisë të zhvillimit të punimeve të mbledhjes.*

*Në vazhdim, Kuvendi i Komunës së Vushtrrisë me vota “unanime” formoi komisionin për verifikimin e procesit të votimit për zgjedhjen e kryesuesit të Kuvendit të Komunës së Vushtrrisë në këtë përbërje:*

**Melihate Basholli, nga radhët e PDK-së;**  
**Ymer Haradinaj nga radhët e LVV-së;**  
**Shkelzen Feka nga radhët e LDK-së;**  
**Berat Asllani nga radhët e AAK-së dhe**  
**Fakete Dushi nga radhët e AKR-së.**

Pastaj anëtarët e kuvendit paraqitën propozimet për kryesues të kuvendit:

**Hysni Gërguri, anëtar i kuvendit** - në emër të koalicionit: LDK, LVV, AAK, AKR dhe NISMA- propozoi Nasuf Aliun për Kryesues të Kuvendit të Komunës së Vushtrrisë.

**Sadije Bajgora, anëtare e kuvendit** - nga radhët e LB-së propozoi Nezir Klinakun si kandidat për Kryesues të Kuvendit të Komunës së Vushtrrisë.

Pas dhënies së propozimeve për kryesues të kuvendit, filloj procesi i votimit të fshehtë për zgjedhjen e kryesuesit të kuvendit.


Lidhur me këtë pikë të rendit të ditës, zgjedhja e Kryesuesit të Kuvendit të Komunës së Vushtrrisë, pas përfundimit të votimit, kandidati nga radhët e LB-së z. Nezir Klinaku mori 12 vota, kurse kandidati nga radhët e koalicionit, LDK, LVV, AAK, AKR dhe NISMA z. Nasuf Aliu mori 23 vota. Kështu që në këtë rast kryesuesi i mbledhjes konstatoi se Kryesues i Kuvendit të Komunës së Vushtrrisë zgjidhet z. Nasuf Aliu:

1. Me këtë vendim Nasuf Aliu, anëtar i KK-së zgjedhet Kryesues i Kuvendit të Komunës së Vushtrrisë.
2. Mandati i të lartpërmendurit në cilësinë e kryesuesit të kuvendit të komunës përfundon në rastin e përfundimit të mandatit të anëtarëve të KK-së.
3. Për zbatimin e këtij vendimi obligohen Sekretaria e kuvendit dhe menaxheri i personelit.
4. Ky vendim hyn në fuqi në ditën e aprovimit në kuvendin e komunës dhe pas nënshkrimit nga kryesuesi (anëtari më i vjetër) i mbledhjes së kuvendit.

**Nasuf Aliu, kryesues i Kuvendit të Komunës së Vushtrrisë** - pasi falënderoi anëtarët e kuvendit për besimin e dhënë që ai të jetë në krye të kuvendit, vlerësoi se ky moment paraqet një sfidë të re për karrierën e tij politike, moment aspak i lehtë e me shumë përgjegjësi. Në vazhdim ai falënderoi të gjithë intelektualët dhe të gjithë ata që kontribuan për shtetin tonë, që ne sot frymojmë lirshëm jetojmë lirshëm dhe veprojmë lirshëm, andaj falënderim i veçantë për gjithë të rënë për lirinë e Kosovës. Pastaj ai falënderoi kryetarin Mulaku, për bashkëpunimin qeverisës që kanë pas përgjatë dhjetë viteve të fundit, por gjithashtu falënderoi edhe LDK-në dhe kryetarin e komunës Xhafer Tahirin. Në fund ai u zotua se nga pozicioni i kryesuesit të kuvendit do të angazhohet maksimalisht që të bien vendime që janë në interes të qytetarëve të Komunës së Vushtrrisë.

Mbledhja përfundoi në ora 13:30.

**Bastri Duraku**



Procesmbajtës

**Bajram Mulaku**



Anëtar i Kuvendit

